


老泉先生墓誌銘

歐文忠公撰



有蜀君子曰蘇君諱洵字明允眉州眉山人也君之行義脩於家
 信於鄉里聞於蜀之人久矣當至和嘉祐之間與其子軾轍偕
 至京師翰林學士歐陽修得其所著書二十二篇獻諸朝書既出
 而公卿士大夫爭傳之其二子舉進士皆在高等亦以文學稱于
 時眉山在西南數千里外一日父子隱然名動京師而蘇氏文章
 遂擅天下君之文博辯宏偉讀者悚然想見其人既見而溫溫以
 不能言父即之與居愈久而愈愈可愛問而出其所有愈叩而愈
 窮嗚呼下謂純明篤實之君子也曾祖諱祐祖諱果父諱序贈尚
 書職一負外郎三世皆不顯職方君三子曰澹曰渙皆以文學
 士而君少獨不喜學年已壯猶不知書職方君置而不問鄉間
 族皆恠之或問其故職方君笑而不荅君亦自如也年二十七
 大發憤謝其素所從來少年閉戶讀書為文辭歲餘舉進士



再不中又舉茂材異等不中退而歎曰此不足為吾學也悉取
所為文數百篇焚之益閉戶讀書絕筆不為文詞者五六年
乃大究六經百家之說以考質古今治亂成敗聖賢窮達出處
之際時其粹精涵畜充溢抑而不發久之慨然曰可矣由是下
筆頃刻數千言其縱橫上下出入馳驟必造於深微而後止蓋其
稟也厚故發之遲志也慤故得之精自來京師一時後生學者
皆尊其賢學其文以為師法以其父子俱知名故號老蘇以
別之初備為上其書召試紫微閣辭不至遂除試秘書省校
書郎會太常備纂建隆以來禮書乃以為霸州文安縣主
簿使食其祿與陳州項城縣令姚闢同備禮書為太常因
革禮一百卷書成方奏未報而君以疾卒實治平二年四
月戊申也享年五十有八天子聞而哀之特贈光祿寺丞勅
有司具舟載其喪歸于蜀君娶程氏大理寺丞文應之女
生三子曰景光早卒軾今為殿中丞直史館權大名府

推官三女皆早卒孫曰邁曰遲有文集二十卷謚法三卷
善與人交急人患難死則卹養其孤鄉人多德之蓋晚而好
易曰易之道深矣汨而不明者諸儒以附會之說亂之也去
之則聖人之旨見矣作易傳未成而卒治平四年十月壬申
葬于彭山之安鎮鄉可龍里君生於遠方而學又晚成常
歎曰知我者惟吾父與歐陽公也然則非余誰宜銘銘曰
蘇顯唐世實樂城人以官留眉蕃蕃子孫自其高曾鄉里
稱仁偉數明允大發於文亦既有文而又有子其存不朽其
嗣彌昌嗚呼明允可謂不亡

東坡先生墓誌銘

穎濱先生撰

予兄子瞻謫居海南四年春二月 今天子即位推恩海內澤及
鳥獸夏六月公被命渡海北歸明年舟至淮浙秋七月被病卒於
毘陵吳越之民相與哭於市其君子相弔於家計聞四方無賢
皆咨嗟出涕太學之士數百人相率餽僧惠林佛舍嗚呼斯文墜
矣後生安所復仰公始病以書屬轍曰即死葬我嵩山下子為我
銘轍執書哭曰小子忍銘吾先公諱軾姓蘇氏字子瞻一字和仲
世家眉山曾大父諱杲贈太子太保妣宋氏追封昌國太夫人大
父諱序贈太子太傅妣史氏追封嘉國太夫人考諱洵贈太子太
師妣程氏追封成國太夫人公生十年而先君官學四方太夫人
親授以書聞古今成敗輒能語其要太夫人嘗讀東漢史至范滂
傳慨然太息公侍側曰軾若為滂夫人亦許之否乎太夫人曰汝能
為滂吾願不能為滂母耶公亦奮厲有當公志太夫人喜曰吾

有子矣比冠學通經史屬文日數十言嘉祐二年歐陽文忠
公考試禮部進士疾時文之詭異思有以救之梅聖俞時與
其事得公論刑賞以示文忠文忠驚喜以為異人欲以冠多
士疑曾子固所為子固文忠門下士也乃實公為二復以春
秋對義居第一發試中乙科以書謝諸公文忠見之以書語
聖俞曰老夫當避此人放出一頭地士聞者始譁不厭久乃
信伏丁太夫人憂終喪五年授河南福昌主簿文忠以直言
薦之祕閣試六論舊不起草以故文多不工公始具草文義繁
然時以為難比荅制策蕩入三等除大理評事兼書鳳翔判官
長吏意公文人不以吏事責之公盡心其職老吏畏伏關中自元
昊殺命人負後重岐下歲以南山木棧自渭入河經砥柱之險衙前
以破產者相繼也公編問老校曰木棧之害本不至此若河渭未漲
操棧者以時進止可無重費也慮其乘河渭之暴多方害耳公即
循衙前得自擇水工棧行無虞乃言於府使得停籍自是衙前之害

咸平治平二年罷遂判登聞鼓院 英宗在藩聞公名欲以唐故事召入翰林宰相限以近例欲召試秘閣 上曰未知其能否故試如蘇軾有不能耶宰相猶不可及試二論皆入三等得直史館丁先君憂服除時熙寧二年也王介甫用事多所建立公與介甫議論素異既還朝寘之官告院四年介甫欲變更科舉上疑焉使兩制三館議之公議上上悟曰吾固疑以得蘇軾議意釋然矣即日召且問何以助朕公辭避久之乃曰臣竊意 陛下求治太急聽言太廣進人太銳願陛下安靜以待物之來然後應之上悚然聽受曰卿三言朕當詳思之介甫之黨皆不悅命攝開封推官意以多事困之公決斷精敏聲聞益遠會上充有旨市浙燈公密疏舊例無有不宜以玩好示人即有旨罷殿前初崇進士舉子帝合爭言 祖宗法制非是公為考官退擬答以進深中其病自是論事愈力介甫愈恨御史知雜事者為証奏公過失窮治無所得公未嘗以一言自辯乞外任避之通判杭州是時四方行青苗免移市易浙西其行水

利鹽法公於其間常因法以便民民賴以少安高麗入貢使者凌於州郡押伴使臣皆本路莞庫乘勢驕橫至與鈐轄尤禮公使人謂之曰遠夷慕化而來理必恭順今乃尔暴恣非汝導之不至是也不俊當奏之押伴者懼為之小敢使者發幣於官吏書稱甲子公却之曰高麗於本朝稱臣而不稟正朔吾安敢受使者亟易書稱熙寧然後受之時以為得體吏民畏愛及罷去猶謂之學士而不言姓自杭徙知密州時方行手實法使民自顯財產以定戶等又使人得告其不實司農寺又下諸路不時施行者以違制論公謂提舉常平官曰違制之坐若自朝廷誰敢不從今出於司農是擅造律也若何使者驚曰公姑徐之未幾朝廷亦知手實之害罷之密人私以為幸郡嘗有盜竊發而未獲安撫轉運司憂之遣三班使臣顧惲卒數十人入境捕之卒凶暴恣行以禁物誣民入其家爭鬪至殺人畏罪驚散欲為亂民訴之公投其書不視曰必不至此潰卒聞之少安徐使人招出戮之自密徙徐是歲河決曹村泛于梁山泊溢于

南清河城南兩山環繞呂梁百步扼之雁于城下張不時洩城將敗
富民爭出避水公曰富民若出民心動搖吾誰與守吾在是水決不
能敗城驅使復入公履屨杖策親入武衛營呼其卒長謂之曰河將
害城事急矣雖禁軍宜為共盡力卒長呼曰太守猶不避塗潦吾儕
小人致命之秋也執挺入火伍中率其徒短水徒跣持斧鑿以出塞
東南長提首起戲馬臺尾屬於城堤成水至堤下害不及城民心乃
安然雨日夜不止河勢益暴城不沉者三板公廬於城上過家不入
使官吏分堵而守卒完城以聞復請調來歲夫增築故城為木岸以
虞水之再至朝廷從之訖事 詔褒之徐人至今思焉從知湖州以
表謝上言事者憶其語以為謗遣官逮赴御史獄初公既補外見事
有不便於民者不敢言亦不敢默視也緣詩人之義託事以諷庶幾
其請既付獄吏必欲寘之死鍛鍊久之不決 上終憐之使具獄以黃
州團練副使安置公幅巾芒屨與田父野老相從溪谷之間築室於

東坡自號東坡居士三年 上有意復用而言者沮之 上手札從
汝州略曰蘇軾黜居思咎閱歲滋深人材實難不忍終弃未至上書
自言有飢寒之憂有田在常願得居之書朝入夕報可士大夫知上
之卒喜公也會晏駕不果復用至常以 哲宗即位復朝奉郎知登
州至登召為禮部郎中公舊善門下侍郎司馬君實及知樞密院
章子厚二人冰炭不相入子厚每以譴侮困君實君實苦之求助
於公公見子厚白司馬君實時望甚重昔許靖以虛名無實見鄙
於前先立法正曰靖之浮譽播流四海若不加禮必以賤賢為累先
主納之乃以靖為司徒許靖且不可慢况君實乎子厚以為然君實
願以少安既而 朝廷緣 先帝意欲用公除起居舍人公起於憂
患不欲驟履要地力辭之見宰相蔡持正自言持正曰公徊翔久矣
朝中無與公右者公固辭持正曰今日誰當在公前者公曰昔持正
同在館中且長持正曰帝固當先公耶卒不許然帝亦由此憐補
記注元祐元年公以七品服入侍進和即改賜銀緋二月遷中書舍

人時君實方議改免役為差役差役行於祖宗之世法久多弊編戶充役不習官府吏虐使之多以破產而狹鄉之民或有不得休息者先帝知其然故為免役使民以戶高下出錢而無執役之苦行法者不揭上意於產役實費之外取錢過多民遂以病若量出為入毋多取於民則是矣君實為人忠信有餘而才智不足知免役之害而不知其利欲一切以差役代之方差官置局公亦與其選獨以實告而君實始不悅笑嘗見之政事堂陳不可君實忿然公曰昔韓魏公刺陝西義勇公為諫官事之盡力魏公不樂公亦顧軾昔聞公道其詳豈今日作相不許軾盡言耶君實笑而止公知言不用之補外不許君實始恐有逐公意矣會其南卒乃已時臺諫官多君實之人皆帝合以求進惡公以直形已爭求公瑕疵既不可得則因緣熙寧諂諛之說以病公公自是不安於朝矣尋除翰林學士二年復除侍讀每進讀至治亂盛衰邪正得失之際未嘗不及覆開道觀上有所覺悟上雖恭默不言聞公所論說輒肯首喜之三年權知

禮部貢舉會大雪苦寒士坐庭中噤不能言公寬其禁約使得盡其技而巡鋪內臣伺其坐起過為凌辱公以其傷動士心虧損國體奏之有旨送內侍省撻而逐之士皆悅服嘗侍上讀祖宗寶訓因及時事公歷言今賞罰不明善惡無所勸沮又黃河勢方西流而強之使東夏人寇鎮戎殺掠幾萬人帥臣揜蔽不以聞朝廷亦不問事每如此恐寔成衰亂之漸當軸者恨之公知不見容乞外任四年以龍圖閣學士知杭州時諫官言前宰相蔡持正知安州作詩借郝處後事以譏刺時事大臣議逐之嶺南公密疏言朝廷若薄確之罪則於皇帝孝治為不足若深罪確則於太皇太后仁政為小累謂宜皇帝降勅置獄速治而太皇太后內出手詔赦之則仁孝兩得矣宣仁后心善公言而不能用公出郊未發遣內侍賜龍茶銀合用前執政恩例所以慰勞甚厚及至杭吏民習公善政不勞而治歲遭大旱飢疫並作公請於朝免本路上供米三之一故米不翔貴復得賜度僧牒百易米以救飢者明年方春即減價糶常平米民遂免大旱之苦

公又多作饘粥藥劑遣吏按醫分坊治病活者甚衆公曰杭水陸之
會因疫病死比他處常多乃哀羨緡得二千復發私索得黃金五十
兩以作病坊稍畜錢糧以待之至于今不廢是秋復大雨大湖汎溢
害稼公度來歲必飢復請于 朝乞免上供米半又多乞度牒以糶
常平米并義倉所有皆以備來歲出糶 朝廷多從之由是吳越之
民復免流散杭本江海之地水泉鹹苦居民稀少唐刺史李泌始引
西湖水作六井民足於水故井邑日富及白居易復浚西湖放水入
運河自河入田所溉至千頃然湖水多葑自唐及錢氏歲輒開治故湖
水足用迨歲廢而不理至是湖中封田積二十五萬餘丈而水無幾矣
運河失湖水之利則取給於江湖潮渾濁多淤河行闕闕中三年一
淘為市井大患而六井亦幾廢公始至浚茅山鹽橋二河以茅山一
河專受江湖以鹽橋一河專受湖水復造堰間以為湖水畜洩之限
然後潮不入市且以餘力復完六井民稍獲其利矣公間至湖上周
視良久曰今欲去葑田葑田如雲將安所寘之湖南北三十里環湖

往來終日不達若取葑田積之湖中為長堤以通南北則葑田去而
行者便矣吳人種菱春輒芟除不遺寸草葑田若去募人種菱取其
利以備備湖則湖當不復理塞乃取救荒之餘得錢糧以貫石數者
萬復請於 朝得百僧度牒以募役者堤成植芙蓉楊柳其上望之
如圖畫杭人名之蘇公堤杭僧有淨源者舊居海濱與舶客交通年
利船至高麗交譽之元豐末其王子義天來朝因注拜焉至是源死
其徒竊持其畫像附舶注告義天亦使其徒附舶來祭祭訖乃言國
母使以金塔二祝 皇帝太皇太后壽公不納而奏之曰高麗久不
入貢失賜予厚利意欲來朝矣未測 朝廷所以待之薄厚故因祭
亡僧而行祝壽之禮禮意甚薄蓋可見矣若受而不答則速夷或以
怨怒因而厚賜之正墮其計臣謂 朝廷宜勿與知而使州郡以理
却之然庸僧猾商敢擅招誘外夷邀求厚利為國生事其漸不可長
宜痛加懲創 朝廷皆從之未幾高麗貢使果至公按舊例使之所
至吳越七州實費二萬四千餘緡而民間之費不在乃令諸郡量事

裁損比至民獲交易之利而無侵撓之害浙江潮自海門東來勢如雷霆而浮山峙於江中與漁浦諸山犬牙相錯洄狀激射歲敗公私船不可勝計公議自浙江上流地石石門並山而東鑿為運河引浙江及鑑谷諸水二十餘里以達于江又並山為岸不能十里以達于龍山之大慈浦自浦北折抵小嶺鑿金嶺六十五丈以達于嶺東古河凌古河數里以達于龍山運河以避浮山之險人皆以為便奏聞有惡公成功者會公罷歸使代者盡力排之功以下成公復言三吳之水潴為太湖太湖之水溢為松江以入海海日兩潮潮濁而江清潮水嘗欲淤塞江路而江水清駛隨潮潄去海口常通則吳中少水患昔蘇州以東公私船皆以篙行無陸挽者自慶曆以來松江大築挽路建長橋以扼塞江路故今二吳多水欲鑿挽路為千橋以迅江勢亦不果用人皆恨之公二十年間再莅此州有德於其人家有畫像飲食必祝又作生祠以報六年召人為翰林承旨復侍講英當軸者不樂風御史攻公公之自汝移常也授命於宋會 神考晏駕哭於宋而

公買田書至公喜作詩有聞好語之句言者妄謂公聞諱而喜乙加深譴然詩刻石有時日 朝廷知言者之妄皆遂之公懼請外補乃以龍圖閣學士守穎先是開封諸縣多水患吏不究本末決其陂澤注之惠民河河不能勝則陳亦多水至是又將鑿鑿之溝與頴河並且鑿黃淮注之於淮議者多欲從之公適至遣吏以水車準之淮之漲水高於新溝幾一丈若鑿黃淮水顧流浸州境水不可為朝廷從之郡有宿賊尹進等殺人擄無算劫殺變王及捕盜吏兵者非一朝廷以名捕不獲被殺者甚不敢言公自汝陰尉李直方謂之曰君謀擒此當力言於 朝乞行優賞不獲亦以不職奏免君笑直方退繼知群盜所存分命弓手注捕其黨而躬往捕遇直方有母年九十母子泣別而行半戰刺而獲之然小不應格推賞不及公為言於 朝請以年勞改朝散郎階為直方賞朝廷不從其後吏部以公當遷以符會公考公自謂已許直方卒不報七年徙揚州發運司舊主東南漕漕法聽操舟者私載物貨征商不得留

難故操舟者富厚以官舟為家補其漏而周船夫之乏困故其所
載率無虞而速達近歲不悉征商之小失一切不許故舟弊人困多
盜所載以濟飢寒公私皆病公奏乞復故朝廷從之未闌歲以兵
部尚書召還無侍讀是歲親祀南郊為鹵簿使導駕入太廟有貴
戚以其車從爭道不避仗衛公於車中勅奏之明日中使傳命車
有司嚴整仗衛尋遷禮部復無端明殿翰林侍讀二學士高麗遣使
請書於朝朝廷以故事盡許之公曰漢東平王請諸子及太史公
書猶不肯予今高麗所請有甚於此其可予乎不聽公臨事必以正
不能俯仰隨俗乞守郡自效八年以二學士知定州定久不治軍政尤
弛武備卒勝望不教軍校蠶食其廩賜故不敢問公取其食汗甚
者配隸遠惡然後繕備營房禁止飲博軍中衣食稍足乃部勒以戰
法多皆畏伏然請殺多不自安者有卒史復以賊誣其長公曰此事
吾自可則可汝若得告軍中亂矣決配之衆乃定會春大閱禮
人職得吏不識上下之分公命舉舊典九節常服

奔走執事副總管三光祖自謂老将恥之稱疾不出公召書史作奏將
上光祖震恐而出訖事無敢慢者定人言自韓魏公去不見此禮至
今矣北戎久和邊兵不試臨事有不可用之憂惟沿邊弓箭社兵與
寇為鄰以戰射自漸猶號精銳故相龐公守邊因其故俗立隊伍將
校出入賞罰緩急可使歲久法弛復為保甲所撓漸不為用公奏為
免保甲及兩稅折變科配長吏以時勸勞不報議者惜之時方例廢舊
人公坐為中書舍人日草責降官制直書其罪誣以謗訕紹聖元年
遂以本官知英州尋復降一官未至復以寧遠軍節度副使安置惠
州公以侍送嶺南編戶獨以少子過自隨瘡癘所侵蠶蠶所侮
胸中泊然無所蒂芥人無賢愚皆得其驩心疾苦者界之藥殞斃者
納之窀穸又率衆為二橋以濟病涉者惠人愛敬之居三年大臣以流竄者
為未定也四年復以瓊州別駕安置昌化昌化非人所居食飲不具藥
石無有初僦官屋以庇風雨有司猶謂不可則買地築室昌化士人各
士運甕以助之為屋三間人不堪其憂公食芋飲水著書以為樂時送

其父老將亦無間也元符三年大赦北還初徙廉再徙永已乃復朝
奉郎提舉成都玉局觀居遂其便公自元祐以來未嘗以歲課乞遷
故官止於此勲上輕車都尉封武功縣開國伯食邑九百戶將居許
病暑暴下中止於常建中靖國元年六月請老以本官致仕遂以不
起未終旬日獨以諸子侍側曰吾生無惡死必不墜慎無哭泣以怙化問
以後事不答湛然而逝實七月丁亥也公娶王氏追封通義郡君繼室以
其汝弟封同安郡君亦先公而卒子三人長曰邁雄州防禦推官知河間
縣事次曰迨次曰過皆承務郎孫男六人篋符篋箒篋箒篋箒明年閏六月
癸酉葬於汝州邾城縣釣臺鄉上瑞里公之於文得之於天少與轍皆師
先君初好賈誼陸贄書論古今治亂不為空言既而讀莊子喟然歎息
曰吾昔有見於中口未能言今見莊子得吾心矣乃出中庸論其言微
妙皆古八所本喻嘗謂轍曰吾視今世學者獨子可與我上下耳既
而謫居於黃社門深居馳騁翰墨其文一變如川之方至而激噉然
下激及矣 先君晚歲讀易玩其爻象得其剛柔遠近喜思逆順之

情以習其詞皆迎刃而解作易傳未完疾革命公述其志公泣受命
卒以成書然後十載之微言煥然可知也復作論語說時發孔氏之秘
最後居海南作書傳推明上古之絕學多先儒所未達既成三書撫之
歎曰今世要未能信後有君子當知我矣至其遇事所為詩騷銘記
書檄論議率皆過人有東坡集四十卷後集二十卷奏議十五卷內
制十卷外制三卷公詩本似李杜晚喜陶淵明追和之者幾遍凡四
卷幼而好書老而不勅自言不及晉人至唐褚薛顏柳髣髴近之
平生篤於孝友輕財好施伯父太白早亡子孫未立杜氏姑卒未葬
先君沒有遺言公既除喪即以禮葬姑及官可蔭補復以奏伯父之
曾孫彭其於人見善稱之如恐不及見不善斥之如恐不盡見義勇於
敢為而不顧其害用此數困於世然終不以為恨孔子謂伯夷叔齊古
之賢人曰求仁而得仁又何怨公實有焉銘曰

蘇自樂城西宅于眉世有潛德而人莫知猗歟 先君名施四方公幼
師焉其學以先出而後 若道直言忠行險如夷不謀其躬 其祖提

之神考試之亦既知矣而未克施晚侍 哲皇進以詩書詣實問之
一斥而疏公心如玉焚而不灰不變生死孰為去來古有微言衆說所
蒙手發其樞時此以終心之所涵遇物則見聲跡金石光溢雲漢耳目
同是舉世畢知欽造其淵或眩以疑絕學不繼如已斷絃百世之後豈
其無賢我初從公賴以有知撫我則兄誨我則師皆遷于南而不同歸
天實為之莫知我哀

三蘇先生文集標目

老泉先生

第一卷

論

易

禮

樂

詩

書

春秋

第二卷

論

洪範上并序

洪範中并圖

洪範下并後序

太玄上

太玄中

太玄下

此下缺九篇

第三卷

論

史上并序

史中

史下

諫上

諫中

制敵

第四卷

論

譽妃

管仲

明

辨姦

三子知聖人

利者義之和

第五卷

權書并序

心術

法制

彊弱

攻守

用間

高祖

項籍

六國

孫武

子貢

第六卷

論并序

遠慮

御將

任相

重遠

廣士

養才

中法

議法

兵制

田制

第七卷

幾策

審勢

審敵

第八卷

書

上

第九卷

書

上韓樞密

上富丞相

上文丞相

上余青州

上王長安

上韓昭文論志陵

書

上田溫密

上歐陽內翰

再上歐陽內翰

三上歐陽內翰

上韓舍人

上張侍郎

再上張侍郎

上韓丞相

上趙司諫

此下少四篇

第十一卷

記

蘇氏族譜序

張益州畫像

木假山

彭州圓覺禪院

字說

仲兄文甫

奏議

修禮書狀

東坡先生

第十二卷

論

易

易說附

書

詩

禮

春秋

卷第十三

論

刑賞忠厚之至

重巽以申命

孔子從先進

春秋定天下之邪正

儒者可與守成

物不可以苟合

好德銀之福

第十四卷

論

王者不治夷狄

形勢不如德

既醉備五福

劉愷丁鴻孰賢

禮以養人為本

禮意信足以成德

第十五卷

論

鄭伯克段于鄆

鄭伯以璧假許田

取郟大鼎于宋

齊侯衛侯晉命于蒲

禘于太廟用致夫人

閏月不告朔猶朝于廟

用郊

會于澶淵宋災故

黑肱以濫來奔

春秋變周之文

第十六卷

三傳十事

左氏三事

小雅周之衰

君子能補過

供養三德為善

公羊三事

大夫無遂事

初稅畝

定何以無正月

穀梁四事

侵不土地分民何以明正

猶三望

作立甲

雩月何以為正

第十七卷

尚書解

乃言底可績

聖說終行

視遠惟明聽德為聰

終始惟一時乃日新

王省惟歲

作周恭先作周孝先

惟聖罔念作狂惟狂克念作聖

唐虞稽古建官惟百夏商官倍亦克用乂

庶言同則繹

道有升降政由俗革

論語解

君使臣以禮

觀過斯知仁矣

孟子解

以佚道使民以生道殺民

第十八卷

論

中庸上

中庸中

中庸下

正統上

正統中

正統下

第十九卷

論

大臣上

大臣下

思治

續楚語

續歐陽子朋黨

第二十卷

論

武王

平王

秦一

秦二

始皇一

始皇二

漢高帝

魏武帝

魯隱公一

魯隱公二

宋襄公

第二十一卷

論

伊尹

周公

戰國任俠

管仲

管仲二

范文子

伍子胥

范蠡

商君

第二十一卷

論

樂毅

孫武

孫武二

范增

留侯

賈誼

趙錯

霍光

諸葛亮

第二十三卷

論

孔子

子思

孟軻

荀卿

揚雄

韓愈

韓非

第二十四卷

策

御試制科

第二十五卷

進策

擬進士對

御試并序

第二十六卷

策略并序

策略一

策略二

策略三

策略四

策略五

第二十七卷

策別并序例

課百官

厲法禁

抑僥倖

決壅蔽

專任使

無責難

無沮善

策別二十八卷

策別

安萬民

敦教化

勸親睦

均戶口

較賦役

教戰守

去姦民

策別二十九卷

策別

厚財貨

省費用

定軍制

訓兵旅

蓄材用

練軍實

倡勇敢

策別三十卷

策斷

策斷上

策斷中

策

第三十一卷

禹之所以通水之法

修廢官舉逸民

天子六軍之制

休兵久矣而國用日益困

關隴游民私鑄錢與江淮漕卒為盜之由

第三十一卷

策問

孔子贊易有申爻辭而無損益者

王弼引論語之文以解易當否

韓子論荀楊荀卿議六子班固論子長范曄論班固

漢之禍凡六變

關中戰守古今不同與夫用兵之難易

取人用人之法

賞功罰罪之疑

引經斷獄

漢唐不變秦隋之法近世乃欲以新易舊

勤而或治或亂斷而或興或衰信而或安或危

隋文帝戶口之蕃倉廩府庫之盛

漢文帝之行事有可疑者三

宰相不當以選舉為嫌

省冗官裁奉給

師 仁宗之忠厚法 神考之勵精

兩漢政俗

冗官之弊水旱之災河決之患

擬殿試

第三十三卷

上 神宗皇帝

第三十四卷

奏議

書

論時政

代張方平諫用兵

代滕甫論西夏

代滕甫辨謗乞郡

狀

朝鮮赴定州議事

議學校真舉

劄子

乞校正陸贄奏議進御

第三十五卷

書

應制舉上兩制

上富丞相

上曾丞相

上梅直講

上韓太尉

上劉侍讀

論張太保撰先人墓誌

第三十六卷

書

答呂黃中直

三才文目

答李端叔

答李薦

答張文潛

答毛滂

答俞括

答王庠

答謝舉廉

答劉沔

第三十七卷

記

莊子祠堂

蓋公堂

喜雨亭

超然臺

仁宗皇帝飛白御筆

南安軍學

韓魏公醉白堂

李君藏書房

張君墨齋堂

王君寶繪堂

李太白碑陰

第三十八卷

六一居士集

范文正公文集

樂全先生文集

吳興先生詩集

錢君勳上人詩集

邵茂誠詩集

田表聖奏議

杭州送進士詩

南行前集

卷二十九

通英進讀

漢高祖赦季布唐高祖突通下降高祖

漢宣帝諸責社延年治郡下進

叔孫通不能致二生

狄山論匈奴和親

唐太宗夢虞世南

文宗訪鄭公後得魏謩

張九齡肯用張守珪牛仙客

顏真卿守平原以抗安祿山

評史

堯不誅四凶

伊尹五就桀

曹參曰唯

宰我不叛

管仲分君謗

管仲無後

楚子玉以多兵敗

司馬穰苴

商君功罪

王翦用兵

孟嘗君賓禮狗盜

田單火牛

第四十卷

評史

歷代世變

秦穆公漢武帝

漢武帝巫蠱事

穆生去楚王戊

鄺寄幸免

司馬相如創開西南夷路

司馬相如之諂死而已

竇嬰田蚡

王韓論兵

霍光疏昌邑王之罪

趙充國用心可重

直不疑買金償亡

楊雄言許由

西漢風俗諂媚

兩漢用刑輕重不同

邳彤懷之元臣

朱暉非張林均輸

曹公與亡

周倫進言

管幼安贈於荀孔

唐彬

阮籍

孟嘉與謝安石相若

庾亮不從孔坦墮回言

鄒方回知嘉賓父子

晉宋之后與臣下爭善

齊高帝欲等金土之價

齊高帝欲等金土之價

王景文

唐太宗借隋吏以殺兄弟

褚遂良以飛雉入宮又為祥

李靖字勣為唐腹心之病

白樂天不欲伐祭

韓愈優於楊雄

劉禹錫文過不檢

評文選

文選去取失當

劉子玄辨文選

李善注文選

五臣注文選

入第四十一卷

論說

仁

剛

稼

日諭

明正

太息

罪言

論文

慎皮窠

記講遊

問養生

入第四十二卷

字說

文與可

張厚之忠甫

趙德麟

雜書

六十居士傳後

宗廟論後

象巖後

吳道子畫後

第四十三卷

頌

仁宗皇帝御書并序

贊

延州李公并序

孔北海并序

王元之并序

王仲儀真并序

碑

潮州韓文公廟

銘

漢鼎并序

三槐堂并序

德威堂并序

九成臺

頤瀨先生

第四十四卷

論

易說一附

易說二

易說三

詩

洪範五事說附

春秋

第四十五卷

論

刑賞忠厚之至

觀會通以行典禮

史官助賞罰

王者不治夷狄

形勢不如德

既辭備五福

劉禮丁鴻執賢

禮以養人為本

禮義信足以成德

第四十六卷

論語拾遺并序

巧言令色鮮矣仁

告諸往而知來

思無邪

志學至于縱心

信如軌軌

處約處樂

無惡也

君子無終食之間違仁

朝聞道夕死可矣

無所取材

未知焉得仁

子見南子

泰伯至德

三年學不至於穀

亂臣十人

彼哉彼哉

貧而無怨難

請討陳常

君子上達小人下達

明日遂行

好行小慧

人能弘道

六言六蔽

女為周南召南

子欲無言

孔子行

切問近思

第四十七卷

孟子解

何必曰利

文王之囿

樂天畏天

畜君何尤

浩然之氣

我知言

仁者如射

莫不善於賁

陳仲子之廉

君子欲自得

性故之辨

孟子用

九

巧力之辨
性善之說

不為苟去

惡乎執

事天立命

順受其正

無為其所不為無欲其所不欲

窮負而逃

形色天性

其進銳者其退速

不仁而得天下

人能存無欲害人之心

第四十八卷

論

堯

舜

禹

夏

商

三宗

周

第四十九卷

論

五伯

六國

吳

齊

魯

燕 蔡 曹 陳 杞 衛 宋 晉 楚 鄭 越 趙 魏 韓

田敬仲

第五十卷

論

秦一

秦二

始皇

漢

高帝

文帝

景帝

武帝

昭帝

哀帝

光武上

光武下

二國

劉玄德

孫仲謀

第五十一卷

論

晉

宣帝

武帝

七代

宋武帝

宋文帝

梁武帝

隋

唐

高祖

太宗

玄宗
憲宗

五代

第五十二卷

論

蜀

燕趙

西南夷

西戎

北狄

第五十三卷

論

周公

周公

伯夷叔齊

管仲

管仲

晏平仲

柳下惠

曾子 蘧吳季札

范文子

知榮趙武

叔向

鄭子產

孫武吳起

伍子胥

范蠡

第五十四卷

論

商君

蘇秦

張儀

馮異字甘茂

穰侯

白起

王翦

孟嘗君

平原君

魏公子

春申君

范睢蔡澤

蔡毅

蘭相如廉頗李牧

田單

屈原

虞卿

魯仲連

呂不韋

李斯

蒙恬

扁鵲

刺客

滑稽

第五十五卷

論

鄧禹

隗囂

陳蕃

李固

荀彧

賈詡

賈詡

羊祜

王衍

王導

祖逖

符堅

第五十六卷

論

狄仁傑

姚崇

宇文融

陸贄

牛李

郭崇韜

馮道

第五十七卷

論

孔子

顏子

冉雍

宰予

子貢

冉求仲由

卜商

曾參

曾點

樊須

有若

老子一

老子二

老子三

列子

莊子

孟子

荀卿

申不害韓非

葉公

第五十八卷

論

新論上

新論中

新論下

分兵民

割燕薊

第五十九卷

策

御試制科

第六十卷

進策

君術一

君術二

君術三

君術四

君術五

第六十一卷

進策上

臣事一

臣事二

臣事三

臣事四

臣事五

第六十二卷

進策下

臣事六

臣事七

臣事八

臣事九

臣事十

第六十三卷

進策二

民政

民政二

民政三

民政四

民政五

第六十四卷

進策六

民政六

民政七

民政八

民政九

民政十

第六十五卷

策

禹之所以通水之法

脩廢官舉逸民

天子六軍之制

休兵久矣而國用益困

關隴游民私鑄錢與江淮漕卒為盜之由

擇郡守
任子

復成均之法

第六十六卷

策問

周禮之疑

古之禮以廢少而備今之禮以廢多而缺

六經惟樂不傳

樂不可廢

堯用懸武王立武庚

舜禹郊宗之異

孔子去就之微意

孔子相定公陸三都請哀公討陳常

孔子問禮於老子而韓孟力排異端

孔孟稱管仲子路夷齊下惠不同

韓孟稱顏子子路

子路宰我之與亂

韓非學老子李斯學荀卿

三代春秋戰國漢唐之治

齊威晉文

三代忠質文與今世之所尚

三代養民之政文景賜民之惠

兩漢用儒

祖宗與漢唐之治

漢武帝唐太宗征伐之功儒者不以爲善

拓國安邊求漢唐之良策

今世因革隋唐之制

法唐爲治而國用不及唐

九官六官

分建六官之制

後世建官何以復三代之舊
古之君子終身守一官
欲官不至於冗而人不至於乏

第六十七卷

策問

學者欲其久而自得

取士之法

取士用財治邊

諸侯井田肉刑

士民交兵賦斂赦宥之六事

兵民之制

人之好生貴位欲財

兵財多少之弊

錢有輕重之弊

損折十象

茶有權有稅

祀五時封泰山禮汾陰

廢佛老之教

修河渠

河朔橋

赦天下

兵有正有奇

淮陰侯攻齊趙之計

六經傳疏之學

禮樂刑政

孟子言王道之始

方田鄉丘考課

擬殿試一

擬殿試一

殿試武舉

第六十八卷

書

上神宗皇帝

第六十九卷

書

上兩制諸公

上樞密韓太師

上昭文富丞相

上曾參政

上劉長安

上黃庭堅

上李元昊

第七十卷

記

齊州閔子廟

上高縣學

王氏清虛堂

吳氏浩然堂

藏書室

序

元祐會計錄

民賦

古史

古今家議

蘇文集擇目終

